


Johannes Georgii Vihergii  
[Sadolin:]

Ἠαίδεϊα

1553.



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1417 8° copy 1







Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1417 8° copy 1



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1417 8° copy 1



Early European Books, Copyright © 2009 ProQuest LLC.

Images reproduced by courtesy of the Royal Library, Copenhagen.

LN 1417 8° copy 1


53,-63

LN 1417


ex. 1

M









53 63  
IOHANNIS GEORGII  
VIBERGII *ωαλδεν* SEV IN-  
STITVTIO, PIO STV-  
DIO EDITA IN  
VSVM PVE-  
RORVM.

Accesserunt Disticha moralia  
eiusdem.

VITEBERGAE.  
Ex officina Typographica  
Viti Creutzer.

1553.



AD SERENISS: DANORVM  
REGEM CHRISTIANVM  
TERTIVM  
EPIGRAMMA.

**R**ex superum Christus quæ nulla potentia sternet  
A cuius placidum nomine nomen habes:  
En, pueros ad se iubet appropere pusillos,  
Nec patitur reprobos hos reuocare uiros.  
Mundani referent huius uestigia Reges,  
Quando uolunt memores nominis esse sui.  
Mandabunt illos de religione doceri:  
Detur ut aeterno gloria uera Deo.  
Carmina dilecto conscripsi pauca parenti:  
Hinc aliquid pueris commoditatis erit.  
Inclyte Rex, unâ tibi nostras mitto Camœnas,  
Danica qui Christi numine sceptrâ geris.  
Illas defendes tua cum sit tanta potestas,  
Munia sunt istæ Principe digna uiro.

GEORGIO



GEORGIO IOHANNI VIBER=

gio Patri suauissimo, Iohannes

Georgius filius S. D.

**P**Ræclare admodum uixerunt ij, genitor carissi-  
me, qui suam egerunt ætatem, non equidem in  
otio, fabulis, poculis, & alijs illecebris momento mi-  
nimo perituris: sed in rebus honestis, humanæq; soci-  
etati necessarijs, quarum nullam reputo maiorem ea  
quæ consistit in tradendis præceptis de uirtutibus &  
honestis actionibus. Qua in re omnes qui saniori fu-  
erunt inter mortales iudicio, sic laborârunt, ut cum  
suis profuerint minoribus, tum uitæ transactæ decus  
exteris hominib. palàm fecerint. Horum potius quàm  
aliorum, qui spretis tantis studijs, tam pulcris, tam  
diu mansuris, pabulū duntaxat more pecudum, quib.  
nulla est ratio, turpissimè sectantur, uestigia perse-  
qui iamdudum in animum meum induxi. Proinde hæc  
sterna luce præcepta nonnulla moralia, de quib. olim  
præceptores mei me admonuerūt, in gratiam puero-  
rum congeßi, unde rudiores animi aliqua ratione ad  
pietatem honestatemq; præparentur. Ineuntis enim  
ætatis inscitia optimis & utilissimis regenda est con-  
silijs, quibus obseruatis totius uitæ cursus expeditur.  
Tibi uerò, mi pater, hoc carmen filius offero, ut ui-  
deas quid spei sit in me deinceps perueniendi ad maio-  
ra. Oro æternum & uiuū Deum, ut studia nostra re-  
gat ad gloriam nominis sui & utilitatem Reipublicæ  
Christianæ. Vale cum tota familia, Vitebergæ.



IOH. GEORGII

**S**umme pater rerum uitæ moderator & autor,  
 Qui sacro uatum flamine corda foues:  
 Pectoribus sanctum nostris immitte calorem,  
 Ut pueris tradam dogmata sana bonis.  
 In mea uota ueni cunctis antiquior annis,  
 Christe Palæstina uirgine nate Deus.  
 Munera quandò tibi Chaldaei opulenta dedere,  
 Tu quoq; congressis uatibus equus eras.  
 Meq; iuua summi Patris, natiq; potestas,  
 Spiritus ætherea qui datus arce uenis.  
 Sol oritur: pueri iamiam procedite parui:  
 Consilium nostrum discite: numen adest.  
 Vera mihi faciles mentes adhibete docenti,  
 Quæ puerum quondam me docuere senes.  
 Sat scio quòd spernant homines mea dicta profani.  
 Nec mirum, reprobis non Deus ipse placet.  
 At uos, ô pueri, commercia linquite praua,  
 Seruantes soli corda sacrata Deo.  
 Pectora nam seruare illi sapientia prima est:  
 Stultitia est magni temnere iussa Dei.  
 Verba rebellantes conculcant aurca Christi:  
 Suscipiunt sanctum pectora sancta iugum.  
 O utinam miseros mortales cernere possem  
 Vnanimes olim iungere corda Deo:  
 Non foret in mundo tam magna caterua Cyclopum,  
 Qui populo Christi nil nisi bella mouent.  
 Infans

# INSTITVTIO.

Infandum dictu, nec forti milite dignum est,  
In coetus aciem nolle subire pij.  
Omnia sunt hominum causa quæ continet orbis:  
Conditus est causa religionis homo.  
Clara salutiferi discentes dogmata regis,  
Moribus ornetis pectora uestra bonis.  
Nos bona uita Deo similes, si dicere fas est,  
Reddit: monstrosos nos mala uita facit.  
Mentibus humanis cum sit cœlestis origo,  
Et sint supremi mentis imago Dei:  
Turpe equidem reputo si nos mala facta sequamur,  
Quos partem summæ mentis habere decet.  
Non facies quicquid suadet uiciosa libido:  
Inspicies prudens aggredienda prius.  
Lumina nec facies passim sine mente uagari:  
Constantes oculos cum grauitate geres.  
Aspiciensq; Deum procedito corpore recto.  
Incuruos animos corpora curua decent.  
Erectam nobis formam natura Deusq;  
Concessit, mundi ut suspiciamus opus.  
Mirantesq; manum fabricantis sidera celsa,  
Laudemus uerum pectore et ore Deum.  
Discite mortales cognoscere facta Tonantis,  
Quæ nobis aliquod numen adesse probant.  
Non sine diuino consistit numine quicquam,  
Nec dubio casu cuncta creata ruunt.

A iij

Corpora



# IOH: GEORGII

Corpora nostra uelut ductu rationis aguntur :  
 Sic regitur summo machina tota Deo .  
 Rectorem nobis monstrat res qualibet, atq;  
 Nunciat aeternum paruula stella Deum.  
 Hic patribus nostris sese patefecerat olim,  
 Quos docuit quali uult pietate coli.  
 Nec boue mactato, nec raso uertice gaudet  
 Dummodo cognoscat pectora iusta, Deus.  
 In cithara sicut perit omnis gratia cantus,  
 Vnica si forsā non benè chorda sonet :  
 Sic ubi uitæ aliquam labefactant crimina partem,  
 Lapsa penes superos gratia tota tibi est.  
 Ergò quicquid agas sapienter, respice uiuum  
 Qui iusto cernit lumine cuncta, Deum.  
 E rutilo iustis ueniet benedictio cælo  
 Qui Christum quærun, iustitiamq; colunt.  
 Iustitia est homini sancto thesaurus opimus,  
 Terribilis quem mors non uiolare potest.  
 Præcipuè studeas patriæ seruire saluti,  
 Ut maneat cultus tempus in omne Dei.  
 Et maneat legum patriæ cum flore potestas,  
 Hei mihi, non bello res habitura locum.  
 Virtutis qui non, patriæq; tenetur amore,  
 Non hominis iusti nomine dignus erit.  
 Tempore Romanus laudatur Curtius omni,  
 Urbem qui uoluit morte leuare sua.

Commendo

# INSTITVTIO.

Commendo Decios propria qui morte fugarunt  
 Hostes, pro populo dum fera bella gerunt.  
 Quis te Codre queat, quis te Thrasymbule filere  
 In ciues quorum maximus ardor erat?  
 Sed perijt ueterum uirtus, pietasq; fidesq;  
 Vsque adeo tetrum regnat ubiq; scelus.  
 Hei mihi, quod iam nullus amet patriamq; Deumq;  
 Hei mihi quod tam sint pectora ceca ducum.  
 O pueri in melius uestras inflectite mentes,  
 Ne ruat indomita patria fracta manu.  
 Auxilium quandoque petet Respublica uestrum,  
 Cui se progenitum quilibet esse sciat.  
 Fortia ceu ualidi coniungunt corpora nerui,  
 Sic firmant artes regna beata bonæ.  
 Si pereant artes nequeunt consistere regna.  
 Fac ergo studeas artibus ingenuis.  
 Bellator patriam defendens fortiter armis,  
 Quæ meruit fertis tempora uinctus eat:  
 Consilijs populos sanis qui ritè tuetur,  
 Præmia quæ poterunt huic satis apta dari?  
 Hæc est nobilitas, hæc uera & maxima uirtus,  
 Tutari patriæ cum pietate statum.  
 Gesta patris laudo, generis monumenta celebro,  
 Commendo te si sis pius atq; probus.  
 Si tibi fortassis robur natura negauit,  
 Artibus eximijs ista repende mala.



IOH. GEORGII

Non me formauit natura ad praelia Martis,  
 Vtilis ingenio consilioq; fui.  
 Inualidum mihi corpus erat pinguedine pauca,  
 Quod facile cernet callidus astrologus.  
 Me nascente domum uita pia uirgo tenebat,  
 Limine & in primo Thessala puppis erat.  
 Sæpè pugil nitidum uibrando fortiter ensẽ  
 Assucta subij dura pericla manu.  
 Hac, dilecte puer, uitam ratione gubernas,  
 Naturamq; iuua sedulitate tuam.  
 Proximus esto labor dulces redamare parentes,  
 Heu, tua quẽs magno uita labore stetit.  
 Hi praecepta tibi cum tradunt uera salutis,  
 Non renues sancto subdere colla iugo.  
 Filius ut sapiens amat matremq; patremq; :  
 Sic grauib; curis stultus utrunq; premit.  
 Confectos senio & miseros resoucto parentes,  
 Vt sic tota tibi sit benedicta domus.  
 Fumifero patrem qui defendebat ab igne  
 AEneæ similis, mi puer, ecquis erit?  
 Ardor in hoc seculo res est rarissima recti.  
 Vix pietatis amans unus & alter adest.  
 Virtus prisca perit, puerorum corda profanat  
 Gnatis indulgens mens scelerata patrum.  
 O patres patres, natos seruare studete  
 Dilectos, etas dum puerilis adest.

Stultitia

# INSTITVTIO.

Stultitia nimia puerorum corda redundant :  
 Correctrix morbum tollere uirga potest.  
 At uos ne, pueri, mitis censura parentum  
 Turpiter assuetos rumpere frenâ grauet  
 Qui carum spernit genitorem hunc spernet Iesus,  
 Cum pueris dentur cœlica regna pijs.  
 Pro te sustinuit mater ueneranda dolores,  
 Hanc temnens coruis esca futurus eris.  
 Non secus ac uentis agitatus puluis inanis,  
 Inter mortales gnatus iniquus aget :  
 Ornabit iustos homines benedictio Christi,  
 Ut generis uideant semina clara sui.  
 Talibus & uerè, nec me sententia fallit,  
 Diuitiæ uenient, gloria, fama, salus.  
 Hoc quoq; mandatum figes, puer optime, menti,  
 Ut præceptorem semper amare uelis.  
 Is mentem format, genitor tibi corpus adornat,  
 Quocirca neutrum spernere iure licet.  
 Immeritò quisquis mala reddit damna magistro,  
 Sentiet irati dura flagella Dei.  
 Non deridebis præceptoremq; patremq;  
 Dedecus hinc nasci, gloria nulla potest.  
 Quæ tibi proponit doctus discenda magister,  
 Discere te summa sedulitate decet.  
 Otia qui sequitur fatuus residebit & excors,  
 Cum ueniet tremulo cana senectâ pede.



IOH: GEORGII

Laurea nulla datur nisi magno parta labore.  
Laudis ob ardorem multa ferenda tibi.  
Corpore qui piger est, & nullum natus ad usum,  
Non nisi gramineas debuit esse dapes.  
Aetæo, pueri, fas est astare Soloni  
Qui studuit semper plurima scire senex.  
Nulla dies abeat qua non didicisse proberis,  
Quæ forment mores ingeniumq; tuum.  
Nescio quid iuueni poterit contingere maius  
Ingenij cultu, moribus atq; bonis.  
Ceu lapis obrizo fulget preciosus in auro,  
In puero uirtus luceat usque pio.  
Exornat teneras pudor atque modestia mentes.  
Angelicus refugit corda petulca chorus.  
Hac quoq; fac superes reliquos uirtute sodales,  
Vt detur capiti digna corona tuo.  
Non monitum fugies uenerandi dulce magistri,  
Sedulus at facies singula sponte tua.  
Artes disce bonas uirtutis ductus amore:  
Indomitum lacerent aspera flagra gregem.  
Incitat egregium magis obiurgatio pectus,  
Quam pueros unquam uerbera dura malos.  
Admonitus toto complectere pectore Musas,  
Nec fugito crebri grande laboris onus.  
Fac Larissæus quondam quod fecit Achilles,  
Illi Phyllyrides dogmata quando dabat.

Attentas

## INSTITVTIO.

Attentas aures habuit seu uoce magister,  
Siue Lyrae dulces edidit arte sonos.  
Principis eximij per laudes ire decorum est.  
Abiectos animos gloria nulla trahit.  
Collige iam fructus dum stat tua messis in herba,  
Hoc quoq; formicas nempe decere uides.  
Artibus ingenuis releuatur dura senectus:  
Diuitijs mœror curaq; mentis inest.  
Si, puer, aspicias quæ sunt uentura senectæ,  
Non lades fessos ad fera saxa pedes.  
Est hominis prudentis opus uentura uidere,  
Qui uolet aduersus quodlibet ire malum  
Ad te, crede mihi, ueniet sapientia uera,  
Si iustos audis doctiloquosq; uiros.  
A senibus iuuenes multum didicisse iuuabit,  
Ingenio qui sunt & pietate graues.  
Nec tales pudeat tibi coniunxisse sodales,  
Qui doceant te de religione sacra.  
Peruersos fuge sermones & turpia uerba,  
Ne uiolent mentem dicta nefanda tuam.  
Mentes conseruant cœlestia uerba pudicas,  
Turpis at euertit pectora sermo tibi.  
Verba salutiferi disces sanctissima Christi,  
Vt tua sit dictis consona uita bonis.  
Quem peccare iuuat, quem spernere munera Christi.  
Heu, deplorata fruge furenter abit.

Dogmata



IOH. GEORGII

Dogmata sancta pijs cunctis sunt roscida mella,  
 Illa licet reprobri felle madere putent.  
 Consilium ne sperne, puer dulcissime, nostrum,  
 Quod puero & iuueni proderit atq; seni.  
 In summum blasphema Deum ne dicito uerba:  
 Sed precibus Christum tu reuerenter adi.  
 Nil tibi succedet quantumuis sedulus instes,  
 Inceptis ueram ni Deus addat opem.  
 Afflatu Christi cum pectora munda calescent,  
 In superas aulas scandere posse reor.  
 Mentis imbutæ uicijs factisue nefandis,  
 Optima non possunt facta uidere Dei.  
 Stilla magis sanæ mihi mentis perplacet una,  
 Quam patulus cunctæ quas habet orbis opes.  
 O patris æterni sapientia maxime Christe,  
 Flamine qui sancto corda tenella foues:  
 Te precor auxilium nostris conatibus addas,  
 Ut ceptum per te conficiatur iter.  
 Sic ego præclaras discam feliciter artes,  
 Vnde tuum nomen noscere ritè queam.  
 Facq; meam uera uitam uirtute nitere,  
 Ut summum claudam cum pietate diem.  
 Felix cui cordi est pietatem iungere sanctam  
 Inter mortales artibus egregijs.  
 Si Christum nescis sapientia nulla iuuabit:  
 Qui Christum didicit, sat didicisse puto.

Alter

## INSTITVTIO.

Alter opes mittat quales Tagus, Hermus & Indus,  
Et quales Lydi ripa beata uehit:  
Xenia de nobis puero meliora dabuntur,  
In qua mors nullum ius retinere queat.  
Munera nostra, puer, non tristi suscipe uultu,  
Munera nanq; alius non meliora dabit.  
Si placeant, uati meritas mihi soluito grates:  
Sin minus, hæc pueris dona relinque pijs.  
O Pater altitonans socios da noscere fidos,  
Quorum sint olim corda probata mihi.  
Sint socij nobis quorum non inuida mens est,  
Et quibus est uirtus ac pietatis amor.  
En, tibi committam socio secreta tacenda,  
Hosti ne facies hæc manifesta meo.  
Plenus rimarum, mi Parmeno, dicito si sis,  
Ut noscam mores te referente tuos.  
Si fidus cupis esse mihi ne quaeso reueles,  
Quæ mihi quàm prosunt plus patefacta nocent.  
Nõnne senex Stygijs Phrygius torquetur in undis?  
Causa fuit poenæ garrula lingua suæ.  
Sancta uiris iustis cohibet prudentia mentem:  
Nullus ages unquam Tantalus Harpocratem.  
In labris retinent homines sua uerba maligni:  
Cordibus includunt uerba tacenda boni.  
Nolumus ut semper latebrosa silentia præstes.  
Est uirtus apto tempore posse loqui.

Verba



IOH. GEORGII

**V**erba loquenda uiris doctis mediteris oportet.  
Neu temerè effundas dicta nefanda caue.  
**S**ubsannatori non tradito dogmata sacra:  
Pectora si doceas relligiosa, sapis.  
**D**icturus paucis perstringito singula uerbis.  
Nil peius nimia garrulitate puto.  
**I**nsipiens frustra torquet uolitantia uerba,  
Prudentes norunt rebus habere modum.  
**P**raclaros monstrant animos prudentia dicta  
Cordibus è stultis stulta loquela fluit.  
**P**ublica quandò geres opulenti munia regni,  
Non habitet uanuis risus in ore tuo.  
**E**dit Stentoreo fatuus clamore cachinnos,  
Dùm sapiens facile se cohibere potest.  
**N**on mihi scurrilis leuitas, grauit àsue superba  
Perplacet: at leuibus seria spargo iocis.  
**F**onc graues curas, mentemq; remitte seueram,  
Cum socijs quandò mitia uina bibis.  
**N**on tetricos homines laudo tristesq; Catones,  
Quos nec culta chelys, nec bona uina mouent.  
**D**iffer sermonem cùm musica grata sonabit,  
Nil hac conuiuiis carius esse reor.  
**I**smarius syluas & saxa agit horrida uates,  
Tangendo resone fila canora lyræ.  
**M**usicus Amphion scopulos testudine curua  
In muros fecit sponte coire, graues.

Fertur

# INSTITVTIO.

**Fertur** Apollineus quondam delphinis Arion,  
 Cœruleos cithara detinuisse leui.  
**Miror** si nequeant te musica plectra mouere,  
 Cum ratione feras exuperare potes.  
**Vt** studijs redeas alacris doctæq; Mineruæ,  
 Inquires menti pharmaca digna tuæ  
 Bacchica dona, chelys resonans, pulcræq; puellæ  
 Muneribus releuant pectora fessa suis.  
**Sed** noli nimio tua perdere membra Lyæo  
 Cedat ut è castris mens generosa suis.  
**Repletus** uino qui fit delirus & amens,  
 Auferet hic alapas, uulnera, uerba, minas.  
**Commessatores** fugito Veneremq; nefandam,  
 Ne percas uictus fraudibus atq; dolis.  
**Pectora** casta Deo serua, castissima mens est  
 Ipse Deus: casta uult quoq; mente coli.  
**Aurum** quid quæris? uestes, gemmasq; nitentes?  
 Ampla satis forma est sancta pudicitia.  
**Non** tibi mollicies animi sectanda: sed urge  
 Magnorum semper fortia facta uirum  
 Splendida, crede mihi, contendit ad ardua uirtus,  
 Nec iacet in fœdo mens generosa luto.  
**Dicitur** Alcides cœlum meruisse labore,  
 Sic etenim uatum turba diserta docet.  
**Hæus,** qui Palladiam cupias ascendere in aulam,  
 En labor, en uirtus uiuida pandet iter.

Quisquis



IOH. GEORGII

Quisquis ad obscenam meretricem pectora uertit,  
 Ceu fracta naui per freta seua ruit.  
 Os scorti Barathrum est rapiens feruentia corda,  
 Quæ tandem miserè respuet ipse Deus.  
 Præbet enim iuueni stillantia mella procaci,  
 Membraq; uipereo cætera felle madent.  
 Ne te decipiat muliebris forma caueto,  
 In uisco & laqueis ut leuis hæret auis.  
 Dic mihi quid meretrix aliud speciosa uidetur,  
 Quàm diadema sacrum sus lutulenta gerens?  
 Castra uoluptatis furiosæ dira sequentes,  
 In Phlegethontæas mox rapiantur aquas:  
 Ac illis mentem rapida cruciante Megæra  
 Angues tartaræ membra cruenta uorent.  
 Quid faciet Minos, & quid Rhadamantus in Orco?  
 Deniq; quid solers AEacus efficiet?  
 Scilicet, illorum quos urit tetra libido,  
 Quilibet in pœnas ingeniosus erit.  
 Turpis amor nimium spurca meretricis habetur,  
 Non damno si cui pulchra puella placet.  
 Est asinus quisquis non flagrat amore puella,  
 In cuius uultu gratia diu iacet.  
 Formosis noli tua mittere munera Nymphis,  
 Quarum non ardor mutuius esse queas.  
 Blanda puella mihi dum ludit amabilis ore,  
 En, ueluti precium maxima dona petit.

Muneribus

## INSTITVTIO.

Muneribus nostris an gaudeat ulla puella?

Grandia donabis dona, recocte senex.

Nonne putas illis me munera magna dedisse

Si poterunt nostra uirginitate frui?

Quædo uirginibus mihi rursus reddier opto,

Basia si dederò, basia habere uolo.

Non ego plura peto: satis est hæc sumere dona.

Cur etenim mollis Sardanapalus ero?

Si tibi legitimis tua tædis pectora flagent,

Coniugium gignet commoda multa sacrum.

Præbet terra ferax fructus, et fertilis arbor.

Connubij fructus quis recitare potest?

Vt tibi proueniant lepidi cum coniuge nati,

A putridis uetulis abstinuisse decet.

Malo pauperiem nuda cum uirgine duram,

Dummodo sit forma, moribus atq; pijs:

Cum uetula turpi quàm maxima munera Ditis,

Et quàm diuitias, Cræse superbe, tuas.

Exhilarat coniunx sua ueni speciosa maritum,

Dùm thalami profert pignora cara sacri.

Fœmellam castam qui spernit dignus habetur

Sandalij cerebri cui minuant Lamiæ

Heus, nimium domina ne laxa frena seueræ,

Te famulum ut cogat sceptrâ subire sua.

Æqualem pulcer iuuenis tibi iunge puellam,

Nupsisse uxori ne uideâre tuæ.

B

Nubas



IOH. GEORGII

Nubat uirgo uiro, uiuat subiecta marito:  
 Vir debet caræ coniugis esse caput.  
 Imperium quisquis patitur muliebri libenter,  
 Nec uir nec nasci foemina dignus erat.  
 Tu sacra Gorgoneas undas cui Musa ministrat,  
 Dum puer es Venerem compede stringe malam.  
 Tutus eris donec teneros extinguis amores,  
 Quando coquit pectus bella puella tuum.  
 Ipse ego non didici quæ curæ pectus amantis  
 Tundunt: at miser est, hoc scio, quisquis amat:  
 Ingenij uires, formæ decus, optima Ditis  
 Munera consumis tu Cytherea Venus.  
 Dicam quid sit amor? nihil est nisi dulcis amaror,  
 Illecebris urgens pectora stulta suis.  
 AErumnæ duræ, suspiria tristia, luctus,  
 Pluraq; purpureo sunt in amore mala.  
 Et quia plus fellis quàm mellis habet, nisi fallor,  
 Doctiloquis Graijs est γλυκυτὸν ἔρως amor.  
 Si sapias igitur purissima pectora serua,  
 Ne sit dum uiuas mens malsana tibi.  
 Et rectè faciens uulgi mendacia ride,  
 Cum linguas hominum non cohibere potes.  
 Omnia quis potis est uinclis constringere uerba,  
 Garrula cum frenum rumpere lingua solet?  
 Quantumuis homines fundant maledicta maligni:  
 Sit tamen in uero spes tua fixa Deo.

Non



## INSTITVTIO.

Non secus ac subito flagrans extinguitur ignis,  
Cum locus est liquidis sparsus adustus aquis:

In puram uitam collatum crimen abibit.

Impia nam pereunt uindice uerba Deo.

Sese metitur sapiens sua crimina cernens:

Attendunt saltem facta aliena mali.

Per mare, per terras, puer ô fuge facta nefanda,

Et cole sincera religione Deum.

Cum scdum facinus perpetrare proterui,

Rident: uidisse hoc, est sapientis opus.

Exornat firmam simplex constantia mentem:

Instabiles animos concutit aura leuis.

Nullus in orbe mihi uiuit tam iunctus amicus,

Pelleret in prauum qui mea corda scelus.

Odi quos misere fecerunt munera cecos,

Ne placidam possent cernere iustitiam.

Vt Dij uos perdant leges qui uenditis aequas,

Vexantes miseris tristia regna modis.

In rigidos bilem tu concipe, Christe, tyrannos;

Ne populo fraudes insidiasq; struant.

Extollunt cristas furiosa caterua malorum,

Inq; pios uibrat noxia tela Satan.

At tu, care puer, fastu turgescere noli.

Deprimit excelsus corda superba Deus.

Nil turgente freto, stulti; animoq; superbo,

Et muliere mala durius esse puto.

# IOH. GEORGII

Non tamen omnino studium iuuenile represso,  
 Pectora cum certant ambitione leui.  
 Gloria uirtuti calcaria præbet honestæ,  
 Grandeq; magnifica laude leuatur onus.  
 Quo maior fueris fortuna, nomine, fama:  
 Agresti tanto sis feritate minor.  
 Mellifluo sermone homines bonus excipit omnis,  
 Monstrosa q; tument asperitate mali.  
 Non ego blanditijs moueor uerbisue proteruis,  
 Dulcia sincero pectore uerba uclo.  
 Mitigat iratum socium responsio mollis,  
 Dum magis atq; magis lingua petulca nocet.  
 Inter mortales fortissimus ille putatur  
 Affectus proprios qui cohibere potest.  
 Ignescens odium lites & iurgia gignit,  
 Plurima quando tegit crimina uerus amor.  
 Dissimulant odium mendaces: turba maligna  
 In iustos homines dira uenena uomit.  
 Improbis est nebulo qui se mihi finxit amicum,  
 Ebrius ast animum prodidit iste suum.  
 Nunquam, si sapias, talem tibi iungito fratrem:  
 Nam melius diris est habitare lupis.  
 Inter pungentes tribulos spinasq; minantes,  
 Illeis pedibus uix gradieris iter.  
 Ut scopulos refugit præclarus nauita duos:  
 Sic hominis fugies sœdera uana mali.

Fingent

Fing  
Pulsa  
Non  
Frau  
Cara  
Heu  
Cred  
Ille se  
Omni  
Rari  
Vt p  
Vnic  
Illis  
Fingent



## INSTITVTIO.

Fingenti uultum non semper credere tutum est,  
Sub specie angelica monstra tremenda latent.

Pulsa fides passim per plurima regna uagatur,  
Consilium quærens auxiliumq; sibi.

Non ualidas urbes, speciosas non habet arces:  
Cogitur in uili delituisse casa.

Fraudibus atq; dolis, heu, sunt omnia plena.  
Omnia plena uides fraudibus atq; dolis.

Cara fides quare nostra discedis ab ora?  
Num petis Eoos? num petis Hesperios?

Heu, periit periit, nusquam reperitur in orbe  
Heu, periit periit, quis modò tutus agat?

Credulus à falsis multum sum laesus amicis:  
Exemplo reprobos disce timere meo.

Ille sapit quisquis damno fit cautus amici:  
Qui nunquam discit stultus habetur iners.

Omnibus arride, facilem sed quære sodalem,  
Rebus in aduersis qui tibi fidus erit.

Rarus at est Pylades, sed Ionatha rarior illo est,  
Vsq; adeò nostri nos malius urget amor.

Vt possis ueros & amicos noscere falsos,  
Proderit interdum fingere multa tibi.

Vnica non ueris designat hirundo,  
Nec socios fidos nunciat una dies.

Illis conuersare diu quos noscere ad unguem  
Exoptas: id enim Tullius ipse docet.

IOH: GEORGII:

Dilige sincerè quos cernis adesse fideles:  
 Barbarie plena est res simulatus amor.  
 Inflicta à socio malo mihi uulnera fido,  
 Oscula quàm tecto sumere mista dolo.  
 Non leuibus ucterem causis mutabis amicum:  
 Ignoras tanti num nouus esse queat.  
 Paupertate graui pressos releuato benignè:  
 Nescis quid uoluant fata maligna tibi.  
 Felix qui miseris donat sua munera, nanq;  
 In superis aulis retribuetur ei.  
 In reprobos homines nolo tua dona profundas.  
 Forsitan illorum ne tueare scelus.  
 Vulcano ardenti potius mea munera mittam,  
 Quàm prauis quibus est mens malefida uiris.  
 Viuere dum liceat tu partis utere rebus:  
 Post mortem nullas quippè tenebis opes.  
 Nec Lydum Stygij Cræsum Plutonis ab ade  
 Diuitia, nec te Crasse superbe, trahent.  
 Illorum neuter nunc paupere distat ab Iro,  
 Infima tam similes hos facit esse domus.  
 O uos Christigenæ satis melioribus orti,  
 Diuitijs uestris discite ritè frui.  
 Cur potius dentem quàm donas, Euclio, nummum?  
 An tanti nummus sordidus esse potest?  
 Sic fortuna uiro reputatur adesse tenaci,  
 Vt penes eunuchum florid: uirgo cubans.

Attamen



# INSTITVTIO.

Attamen cunuchus longè felicior est te.  
 Is nam testiculis, tu ratione cares.  
 Inter diuitias nolito Tantalus esse,  
 Fluctibus in medijs qui sibi quærit aquam.  
 Est felix qui sorte sua benè transigit æuum.  
 Infaustos rerum dira cupido facit.  
 Cum pietate Dei modicum retinere iuuabit,  
 Plus quàm cum curis, quas habet Indus opes.  
 Fraudibus et technis abs te congesta recedent,  
 Nam cancri gressum res male parta tenet.  
 Implicitus laqueo quidam pendebat auarus  
 Inter opes, sibi quas fraude doloq; tulit.  
 Si tibi, quisquis ades, non prorsus plumbea mens est,  
 Dic mihi num pauper, diues an iste fuit?  
 Pauperis excelso domino casa paruula curæ est:  
 Tecta Deus reprobi diruet ipse uiri.  
 Non paupertatem posco, nec munera Ditis  
 Grandia: sed uitam quæ refouere queant.  
 Non te detineat dominandi stulta cupido:  
 Est nimium felix quem casa parua tenet.  
 Vade sine inuidia nec turgida pandito uela:  
 Fortuna decus est uiuere posse tua.  
 Caula patris cordi est mihi plus quàm Caesaris aula,  
 Dùm procul à nobis palpo dolosus abest.  
 Bellus homo degit nostræ notissimus aula,  
 Qui caudam iactat sedulus usque suam.

IOH. GEORGII

Hunc uos præcipitem furie rapiatis in Orcum,  
 Ne quos blandifona perdere uoce queat.  
 Dulcia, Bacche tener, mihi saltem pocula præbe.  
 Et preme Threiciam, docta Thalia, lyram.  
 Arride ueneranda Cypris mollisq; Cupido,  
 Tuq; iuu. studium, pulcra Diana, meum.  
 Tempora dùm nobis circumdat Delphica laurus,  
 Adsitis Charites, Sicilidesq; Deæ.  
 En, mihi festiuam detur benè degere uitam,  
 Virginis & uultum posse uidere piæ.  
 Optima uina bibam, citharam pulsabo canoram,  
 Affigam Musis oscula blanda meis.  
 Addam tura foco, depellam pectore curas,  
 Et commendabo cuncta pericla Deo.  
 Cæsaribus magnis sublimia linquo trophæa,  
 Et quæ miratur munera uulgus iners.  
 Aulicus ante fui, noui quid proderit aula.  
 Aulica, si sapias, munia mitte, puer.  
 Qui pius esse cupit fucosam deseret aulam,  
 Nunc humiles uirtus cepit habere domos.  
 Fœdera fregerunt uirtus & summa potestas.  
 Cum scelere infando nunc coiêre duces.  
 Tu pater omnipotens qui regum corda gubernas,  
 In uera retine relligione tuos.  
 Sunt reges pauci quibus est Ecclesia cura,  
 Hos fac perpetua sistere posse fide.

Fundite



# INSTITVTIO.

**Fundite uota** pij pueri, castæq; puellæ:  
 Vox poterit summum uestra mouere Deum,  
**Effundens** tristis lacrymas Ecclesia mœstas,  
 Auxilium regum præsidiumq; petit.  
**Ferrens** est quisquis non hanc releuare laborat,  
 Cum pietas uero grata sit ista Deo.  
**Qui** Christi cœtum defendet, magna pericla  
 Sentiet: hoc omni tempore fata uolunt.  
**Sis** animo forti, atq; malis opposito pectus,  
 Horrida si sors te sternere fortè uolet.  
**Perpetuò** quis enim felix? quis faustus ubiq;  
 Vertitur instabili cum Dea cæca rota.  
**Euerit** quosdam, nonnullos tollit in altum,  
 Eluat euerfos, diuitijsq; beat,  
**Deprimit** elatos. hic crebrò uoluitur orbis:  
 Nunc teneas regnum, nunc tua sceptrâ cadant.  
**Victor** erit quisquis poterit perferre minantem  
 Fortunam: nescit qui mala ferre, ruet.  
**Nónne** malus miles truculento ceditur hoste,  
 Probrosa quando uult dare terga fugæ?  
**Non** aliter curæ prosternunt corda sequaces,  
 Dum nequeunt minimum sustinuisse malam.  
**Si** nobis olim fiet fortuna sinistra,  
 Aurea uel nullas copia fundet opes:  
**An** tunc succumbam fluctu iactatus acerbo?  
 Inuadatq; malus pectora nostra dolor?

B S

Dij melius



IOH: GEORGII

Dij melius, uitæ contemnā dura pericla,  
 Cum uirtute mihi fama parata, manet.  
 Hanc non tristis hyems lædet, non ira latronum,  
 Vnda nec irati pernicioſa maris.  
 A patria cedens cara peregrinus agebam,  
 Excolerem ut claris artibus ingenium.  
 Ignotis quandò uixi ſtudioſus in oris,  
 Algida ſepè tuli frigora, ſepè famem.  
 Non aderat nobis pater, & dulciſſima mater,  
 Non ſocius ueram qui mihi ferret opem.  
 Attamen excelsus iuuenem me rexit Ieſus,  
 Vnquam ne rueret mens generoſa mihi.  
 Horribilem uici Scyllam, uaſtamq; Charybdin,  
 Sumq; meis Muſis redditus incolumis.  
 Sed benè habet, gnatis olim recitare iuuabit,  
 Quàm fortuna mihi dura nouerca fuit.  
 Nullos, ô pueri, doceo traducere mollem  
 Vitam: uos iubeo triſtia multa pati.  
 Otia pauperies, ſequitur fortuna labores,  
 Hoc qui non poterit cernere, nullus erit.  
 Cimbricus hæc præcepta tibi Vibergius offert.  
 Hunc benè dùm uiuas conſuluiſſe feres.  
 Mox ego digna meæ patriæ trepteria reddam,  
 Et tibi poſteritas ſcripta diſerta dabo.  
 Vos modo fatidicæ mea ducite ſtamina Parca,  
 Ne uitam rapiat mors uiolenta meam.  
 Et quem



# NON INSTITVTIO.

Et quem bis decies Aries portabat ab ortu  
 Aethereus nostro, Phoebe canore, faue.  
 Sisq; meis studijs & portus & aura Melanthon,  
 Qui candore probas carmina nostra tuo.  
 Summe parens, & imago patris, flatusq; perennis,  
 Qui Deus aternus, uiuus, & unus, ades:  
 Ad meliora meam quærendum dirige mentem,  
 Ut detur soli gloria lausq; tibi.  
 Effigiesq; nigros mea diu mittatur ad Indos.  
 In patriam propera, Cimbrica Musa, meam.  
 Parua quidem, sed grata pio ser dona parenti,  
 Vnde quædam genti notior esse mea.  
 Repperies aliquos qui te lacerare studebunt,  
 Hos tamen inuidia se macerare sine.  
 Doctorum si te ueneranda caterua uirorum,  
 Suspicit, eximia sat tibi laudis adest.  
 Laus ea quam nobis tribuunt doctiq; pijq;  
 Non uolat AEolijs mox peritura Notis.  
 Nereides donec ludant, & Balthica Thetis,  
 Vel minimo nobis carmine stabit honos.  
 Flammigeros nunc mergit equos Hyperione natus.  
 Ite boni pueri, uos Deus ipse reget.

Simpliciter uirtutis

amore.



PHILIPPVS MELANTHON

LECTORI

S. D.

**S**VA cuiq; uirtus uera & præcipua commenda-  
tio est apud prudentes, qui statim & iudicare  
ingenia possunt, & uirtutem amant. Extant  
autem Poëmata præclarè scripta Iohannis Geor-  
gij nati in oppido Elmbriæ Viberga, quæ & naturæ  
ipsius bonitatem, & eruditionem & uirtutis studium  
ostendunt. Quare me satis esset nomen ipsius indica-  
re ijs, qui cum dote non norunt. Docti enim statim  
eum complectentur propter facultatem ingenij &  
morum suauitatem. Sed tamen quia in familiari con-  
suetudine magis introspecti hominum naturæ possunt,  
etiam iudicij mei testimonium ei tribuere uolui, cum  
amplius biennio nobiscum ita uixerit, ut propter mo-  
rum suauitatem & studia mecum ei magna familiari-  
tas fuerit. Vidi congruere ad ipsum, Aristidis dictum,  
qui interrogatus quomodo tantum uirtutis decus ad-  
eptus esset, respondit Naturam ualere plurimum, sed  
se studiose naturam adiuuissse. Ita cum in Iohanne Ge-  
orgio semina sint omnium uirtutum, amor iustitiæ,  
& ueritatis, candor animi & pudor, ipse singulari  
diligentia hæc bona ornat, iustitiam & fidem summa  
sura tuetur, & in omni actione modestiam præstat.  
Eruditionem eius, scripta ostendunt. Adiunxit autem  
ad Latinæ



PHILIPPVS MELANTHON.

ad Latinae linguae cognitionem & graecam linguam.  
 Et cum domestica disciplina à patre uiro integerrimo  
 ad ueram agnitionem Dei institutus sit, & p̄sterea  
 fontes doctrinae de Deo & de Domino nostro Iesu  
 Christo crucifixo pro nobis, & resuscitato, studiosè  
 didicerit ipse, uera inuocatione Deum colit, & pie-  
 tatem animi honesta morum gubernatione declarat.  
 Itaq; & patriae gratulor tale ingenium, & Deo gra-  
 tias ago, quòd seminaria aliqua seruat Ecclesia, &  
 quòd patri seni declarat familias piorum curae esse,  
 sicut scriptum est, Generationi rectorum benedicetur.  
 quae diuina sententia in dulcissimo uersu recitata est.  
 ευσεβέωρ παύδεωσι τὰ λώϊα, δ' ευσεβέωρ δ' ἐν.

Oro autem filium Dei Dominum nostrum Iesum Chri-  
 stum, ut hunc Iohannem Georgium seruet inco-  
 lumem, ac gubernet & faciat cum σκῆνορ  
 ἐλέους, ac organum salutare patriae  
 & animae suae. Bene uale  
 Lector.





ΒΙΒΕΡΓΙΟΣ.

Ἰσώματος οἱ Βροτεοὶ μορφὴν ὀφθαλμοὶ ὀρῶσι,  
τὴν ψυχὴν ἰδὼν δ' ἐκένυσσι καλ' ἀγχὴν.



16  
IOHANNIS GEORGII VIBERGII  
DISTICHA MORALIA.

IOHANNES FRANCISCVS  
RIPENSIS.

Honesta si quæ feceris  
Cum maximis laboribus:  
Cedentibus laboribus,  
Dulcis manebit gloria.

Si turpe quid commiseris  
Cum gaudijs amplissimis:  
Abibit omne gaudium,  
Turpi manente infamia.

En, omnibus duplex iter  
Proponitur mortalibus.  
O clara mens accingere,  
Virtutis ut carpas viam.

Scriptum legens Vibergij,  
Virtutis ô cultor sacræ,  
Vt Danicam Rempublicam  
Gnatus Dei seruet, roga.

супъ Дѣу.

IOHANNES GEORGIUS VIBER-  
gius Danus, Patriæ suæ dulcissimæ  
ἐν πατρίῳ

**E**TSI grauibus interdum studiis defatigatus,  
alijsq; curis quarum uix impetum mens morta-  
lis patitur, obrutus ad artes confugiam iucundiores,  
quales sunt illæ quæ consistunt in re equestri, in diuer-  
sis armorum generibus, & in harmonijs testudineis:  
tamen nulla re ita afficior ac Poësi. Itaq; cum superi-  
ores Germaniæ ciuitates lustrarem, & ad diuersas  
profisciscerer Academias, tam ut memetipsum nonni-  
hil in hoc studij genere exercerem, quam tædiū tem-  
poris fallerem, Elegidia pauca lusi (nam sic itinera-  
ria mea Poëmata nominare placuit) quæ iam passim  
à literarum studiosis teri uideo. Postea uerò, ad di-  
sciplinarum cognitionem magis inflammatus, cum in  
studio iuridico paululum uersarer, Disticha quædam  
moralia feci, quæ tibi, ô carissima patria, consecrare  
uolui, ut aliquod extaret monumentum nostri erga te  
amoris, qui tantus est ut omnium existimationem faci-  
limè superet. Verè tibi dicere possum, quod quondam  
suæ patriæ dixit Praxithea illa Erechtei coniunx, ut  
refert Euripides.

Ω πατρίς ἔδε πάντες δι ναύουσι σε,  
οὕτω φιλοῖεν ὡς ἐγώ, καὶ γέ ῥαδίως  
οἰκοῖμεν ἄρ σε, κούδ' ἄρ πάσχοις κακόν.

ORO



17  
Oro æternum Patrem Domini nostri Iesu Chri-  
sti, ut te tuosq; gubernatores in uera  
pietate & salutifera religione  
perpetuò conseruet.

AD CHRISTVM.

GLoria lausq; lyræ, & uatum decus, optime Christe,  
Diuino nobis ora liquore riges.

AD MVSAS.

Flores uosq; nouem gratos mihi ferte sorores,  
Nectatur patriæ digna corona meæ.

AD INCOLAS DANIAE.

Adiunt Libethrides, dilecti surgite ciues,  
Omnibus, en, uobis munera larga dabunt.

CULTVS DIVINVS.

Inprimis reuerere Deum: sanctissima res est,  
Vt præstes summo debita sacra Deo.

INVOCATIO NUMINIS.

Sic procedet opus faustum populisq; tibiq;  
Cum uerè à Christo mens tua poscet opem.

FIDES.

Munere quandò cupis magnum placare Tonantem,  
Cura sinceram cernat adesse fidem.

C CHRIS

CHRISTIANA IVSTITIA

Non rarus uertex, non tus, non horrida uestis :  
Inclita sed reddit pectora iusta fides.

PROBITAS.

Tu probitate graui genicrosum pectus adorna,  
Sic tibi coelestis conciliatur amor.

POENITENTIA.

Crastina nemo suæ promittat tempora uitæ.  
Fac hodiè uideat pectora iusta Deus.

PRVDENTIA.

Perspice quæ nunc sunt prudenter, quæq; sequentur,  
Præcipitem ne te deuius error agat.

FORTITVDO.

Per gladios, ignes, scopulos, uirtutis amore  
Tendens, infracto pectore uince malum.

TEMPERANTIA.

Non uanas pompas, nec turpes approbo sordes.  
Est aliquid mediam carpere posse uiam.

IVSTITIA.

Fac iustè, Deus est iustus, non æqua relinque,  
Ipse Deus iustus pectora iusta probat.

LEX ET RELIGIO.

Cum natura iubet patriam defendere nostram,  
Ne pereant leges, religioq; uide.

VIS



**VIS LEGVM.**

*Iusta uelut tribuant præstanti præmia ciui:  
Sic reprobos damnent incluta iura uiros.*

**IUDEX.**

*Quod ualidum satis est obscœna pecunia frangit,  
Iudex ne subito decipiare caue.*

**CIVITAS.**

*Non sine mente potest nostrum consistere corpus,  
Vrbs neq; diuina lege carere potest.*

**UTILITAS PVBLICA.**

*Non ita fraternum quisquam curabit amorem,  
Ut uideat patriæ publica damna suæ.*

**PATRIA.**

*Tàm caræ patriæ quàm nostri uiuimus ergo:  
Pro dulci patriâ grande feremus onus.*

**PAX CIVILIS.**

*Horrida non queras funesti prælia Martis,  
Regno pax requiem præbeat alma tuo.*

**VIRTVS BELLICA.**

*Intortam ualidis hastam uibrato lacertis,  
Pro lege & patriâ fortia bella gerens.*

**FOEDERA.**

*Fœdera sancta tuæ fidci uiolare caucto.  
Perfidiaæ pœnas exiget ipse Deus.*

**C ij**

**ANIMVS**

**VIS**

ANIMVS ERGA HOSTES.

Vincas non temnis hostem cui candida mens est.  
Fœdera cum nequam contrahere nulla uiro.

SOCIVS.

Pectore sincero carum uenerare sodalem.  
Fictus amor pius quolibet hoste nocet.

CONSILIA MALORVM.

Effuge consilia, & consortia linque malorum,  
Iustis unde uenit magna ruina uiris.

AFFECTVS ANIMI.

Pauper eris subito quem nunc fortuna beauit.  
Si non affectus fortiter arte regas.

VOLVPTATES.

Pelle uoluptates fœdas, crudosq; dolores.  
Hæc etenim in præceps pectora multa trahunt.

SVPERBIA.

Non tumidum stimulet uentosa superbia pectus,  
Abdita cum nescis quid tibi fata uehant.

HVMANITAS.

Munere quò magis es claro Rhamnusidis auctus,  
Vt tanto maior sis pietate stude.

RECTA RATIO.

Nil tentes quod non uera ratione probatur,  
Sic potis es longas ire redire uias.

EORTV.



FORTVNA ADVERSA.

*Aduersis pressus noli succumbere rebus.  
Summus fata Deus dura leuare potest.*

ERV DITI.

*Eximias urbes sapientia diua gubernat,  
Fac sapienti ergò detur in urbe locus.*

NOBILITAS.

*Inclita nobilitas summa uirtute paratur.  
Huic igitur meritò dignus habetur honos.*

PATRIAE DEFENSORES.

*Regnis & populis haud res preciosior ulla est,  
Quàm qui pro patria fortia bella gerit.*

HOSPITES.

*Hospitibus quandoque bonis qui iura negauit:  
Huic equidem infensos arbitror esse Deos.*

ADVLATORES.

*Cedat ab urbe tua Gnato, palpoq; dolosus,  
Sub quorum lingua dira uenena latent.*

PRAEMIA VIRTVTIS.

*Vt stimuli sacrae uirtuti dentur acerbi,  
Exornet dignos gloria digna uiros.*

CONIUGIVM.

*Vt Deus instituit naturae debita redde.  
Quid sine mellifluis fructibus arbor erit?*

C iij

CONIV=

CONIVGVVM CONCORDIA.

Cum pietate bonas iungat concordia mentes,  
Ut sunt legitimo corpora iuncta toro.

PATIENTIA.

Omnia sublimi tibi demittuntur olympo.  
Si mala, si ueniant lata ferenda, feres,

SORTE VIVENDVM.

Non una fundit sua munera Iuppiter urna,  
O homo fortuna uiuere disce tua.

PARENS.

Splendida sis gnatis uera uirtutis imago,  
Nomina sic dulcis uera parentis habes.

NATVS.

Exprime magnanimi præstantia facta parentis,  
Non aliter gnati nomine dignus eris.

FRATRES.

Viuite concordēs, concordēs uiuite fratres,  
Coniunctos fascēs frangere nemo potest.

PRÆCEPTOR.

Inuidia peius nil totus continet orbis,  
Tradito sincerè quæ tibi Musa dedit.

DISCIPVLVS.

Non secus ac pater est carus præceptor amandus,  
Hic mentem nutrit, corpus at ille fouet.

DISCI



20  
DISCIPLINAE LIBERALES.

*Exorna mentem studijs & rebus honestis,  
Et mala pro patria plurima disce pati.*

INDUSTRIA.

*Languida præstantes corrumpunt otia reges.  
Sis alacer membris menteq; sanus eris.*

IN VIRTUTE PERSISTENDVM.

*Si benè cepisti, fausto omine perge, nec unquam  
Te iuuat inceptam deseruisse uiam.*

VLTIMA VITAE META.

*Fata manent omnes, ô terq; quaterq; beatos  
In uera claudunt qui pietate diem.*

AD CHRISTVM DOMINVM.

*Summi gnate Dei uitæ reparator & auctor,  
Tu rege consilijs pectora nostra tuis.*

AD DISTICHA SVA.

*Claudite nunc riuos, mea disticha claudite riuos,  
Tibia septiforis grandius urget opus.*

AD DANIAM.

*Dania cara meis tua tempora cinge coronis.  
Et tempus uati molle precare tuo.*

FINIS.

C 4

ORATIO

ORATIO PRAXITHEAE VXORIS

ris Erechthci apud Euripidem, quia dul-  
cissimè de officijs patriæ debitis disse-  
ritur, conuersa à Philippo  
Mclanthone.

**S**I quis beneficium daturus est ciuibus,  
Id gratius fit liberali pectore  
Et spontè cum datur, Datum morosius  
Lenteq; , non habebit ulla gratiam.  
Ergò uolens gnatum exhibebo patriæ,  
Ut fiat hostia pro salute publica.  
Mentemq; causæ permouent graues meam.  
Vrbs nostra multis antecellit ceteris,  
Nequaquam enim confluit huc ex dissonis  
Confusa multitudo gentibus, gerens  
Moresq; naturasq; dissimiles sibi:  
Sed mater hæc est una tellus Attica,  
Stirpis uestustæ ciuium, ex hoc quam solo  
Mundi architectatrix creauit mens Dei,  
Virtutis acres inferens stimulos satæ.  
Sed candidere urbes coloni ceteras,  
Passim profecti disitis regionibus,  
Non congruentes mentibus, lusor uclut  
Si discolores in fritillo misceat  
Talos. At urbem quisquis externam incolit,  
Ut in tigillo nodus asper eminens,

Cen



ORATIO PRAXITHEAE.

Ceu tignum ad ordinem ædificij non quadrans,  
 Non ille mente ciuis est, sed nomine.  
 Nostra ergò pro patria, uerendis legibus,  
 Et constituta moribus bonis decet  
 Pericla adire & perpeti ærumnas graues,  
 Caussamq; quare procreamus liberos,  
 Hanc esse præcipuam putandum est, ut Dei  
 Notitia luceat futuris seculis,  
 Semperq; custodes sient superstites  
 Cœlestium legum atq; templorum Dei,  
 Qui in patria tueantur has res optimas,  
 Et disciplinam ciuium & mores bonos,  
 Non impia feritate deleri sinant.  
 Nec franget ullus hoc nostrum pectus timor,  
 Violare leges ut uelim sanctissimas,  
 Quæ singulos prodesse patriæ iubent.  
 Cum morte filiae unius periculo  
 Nunc liberari tota possit ciuitas.  
 Nam me docet numeratio, ut seruem magis  
 Quod plus uidemus esse, quàm quod est minus.  
 Vnam domum labi, minus certè est mali,  
 Quàm ciuitatem ruerè totam funditus.  
 Si pro puella germen esset masculum.  
 Natum mihi, bellumq; fortè posceret,  
 Ciues ut hostem dimicantes pralio

C 5

Depellere

Cen

## O R A T I O

Depellerent, num filiam mortis metu  
 Recussem in aciem mittere? At uerò mihi  
 Tales ego opto filios, qui fortiter  
 Et præliantur & uelint excellere  
 Inter uiros uirtute clari cæteros,  
 Nec sint in urbe ceu figuræ inutiles,  
 Aut picta ceu simulacra parietes tenent.  
 Sed sepè matrum lacrymæ cum filij  
 Arma induunt, animos eorum effœminant.  
 Harum eiulatus atq; mollia pectora  
 Non laudo, quibus ignaua uita carior  
 Est filiorum, quàm decus pulcerrimum.  
 Et quæ suis suadere turpitudinem  
 Audent, honore nec sepulcri & posteri  
 Mouentur adprobatione seculi,  
 Quod prædicat uirtutem eorum laudibus  
 Veris & immortalibus, qui patriam  
 Et templa protexere, nec mortis metu  
 Cessere nostris hostibus, nec sanguinem  
 Vitamq; dubitarunt suam profundere.  
 Et filia nostræ futura est gloria  
 AEterna, si pro patria mortem oppetat,  
 Geminasq; seruabit sorores unica.  
 Cedam ergò gnata, ut fiat hostia ciuibus,  
 Non dico enim esse propriè unius meam.

Nisi



29  
P R A X I T H E A E.

Nisi quòd ex aluo mico ccu plantula  
Nata est. At urbe perdata simul omnia  
Perire nosq; liberosq; cernerem.  
Sed dixeris, Extincta si sit filia,  
Nos una in urbe sceptrà deinde amittere.  
Esto ferent ut fata, stirps tunc altera  
In urbe nostra principem teneat locum,  
Seruasse patriam maius est regno decus.  
Deniq; uoluntas recta sit quod possumus  
Præstare, legibus uolo sanctissimis  
Parcere, nec uiolare eas sciens uelim.  
Et interim fruar bonis communibus,  
Legum ordine, atq; disciplina ciuium,  
Quæ me uolente nullus hic deleuerit.  
Non sede stantem Palladam firmissima,  
Læuâq; terrificos tenentem Gorgonis  
Angues, mouebit, aut ab arctoa plaga  
Eumolpus huc exercitum ducens ferum,  
Aut barbaræ gentis furor Thracensium,  
Nec hostis hinc trophæa figet uspiam,  
Nullos triumphos hinc aget, nec laurea  
Victrice glorians superbè ornabitur.  
Concedo ciues uictimam hinc abducite,  
Ut salua sit uictrixq; nostra patria,  
Nam filia uitæ salutem publicam,

Immota

ORATIO PRAXITHEAE.

Immota stat sententia, antepone.  
O Patria, utinam diligant te singuli  
Ciues, ut hoc ardet meum pectus tui  
Amore uero, si uoluntas Principum  
Talis foret, tranquillior status tuus  
Maneret, & motus domesticos mali  
Cicere non possent, & hostes externos  
Arcere posset omnium concordia.

IOHANNIS FRANCISCI RI-  
pensis Elegia in natalem Iohan:  
Georgij Vibergij.

**R**omani redijt nunc lux uigesima Martis,  
Quà lato & fausto sidere natus eras.  
Hunc sine labe diem quondam celebravit alumnus  
Sulmonis clarus Naso Poëta, suum.  
Phociaco uestes gestauit murice tinctas,  
Virgineos ducens letus in orbe choros.  
Thespiadum retulit fragrantiaserta sororum,  
Dum premeret digitis fila canora suis.  
Cum placidas tali tu sis productus in auras  
Luce, decet clarum te celebrare diem.  
Cum Nymphis faciles nunc exerceto choreas  
Grataq; melliflua plectra moueto lyra  
Pectore



Pectore de tristi uigilantes p̄fulto curas,  
Quæq; decet Genio soluere, solue tuo.  
Fac croccos cingas redolenti flore capillos,  
Et pro natali suscipe uota die.  
Autorem uitæ gratis celebrato Camœnis,  
Qui dedit ingenio flumina larga tuo.  
Te nascente simul riserunt numina cœli,  
Arrisit summo Iuppiter ipse polo,  
Sidera lata tuo placide fulsere sub ortu.  
Vibrabant oculos cœlica signa suos.  
Scilicet in primo degebat cardine cœli  
Erigones ( mirum ) fulgida stella piæ:  
Quæ tibi doctrinæ & uirtutis munera donat,  
Et cultum uarijs artibus ingenium.  
Sed Mars, heu, quarto cernens ex limine sæuus,  
Vix bona concedit posse tenere patris.  
Penniger ac Hermes pulcra de Pleiade natus  
En, tua sollicito corda dolore grauat.  
Extinctos flebis properata morte propinquos  
Corrumpens lacrymis lumina sæpè pijs.  
Et monet ut caueas socijs secreta benignis  
Credere, uel iunctis sanguinitate uiris.  
Dilacerare tuam cupient sine crimine famam,  
Qua nullum est toto maius in orbe decus.  
In Stygiam uellent, si possent fortè, paludem  
Trudere, uel tali te lacerare modo.

At Deus

At Deus æthereus uerbo qui cuncta gubernat,  
Cum petimus, precibus cedere fata iubet.  
Cernis & in nona coniunctos arce seuerum  
Falciferum, & placidam te Cytherea Venus.  
Viribus ingenij talis coniunctio prodest.  
Nascenti Bembo fulsit & iste situs:  
Sed tamen inceptos non raro turbat amores,  
Et mentes falsa suspitione mouet.  
Hac coniuncta domo tibi pars feret optima quæq;  
Fortuna, & meritis munera digna tuis.  
Ut felix abeas peregrinos hospes in agros  
Efficit: & longas ire redire uias.  
Doctrinæq; auidum pectus tibi donat adesse,  
Ut non nota alijs cernere multa queas,  
Insuper undecima lati regione triumphant,  
Cynthia magnanimo cum Ioue Luna patre.  
Hic nisi retrogrado discurreret ordine, certo  
Adderet hic uitæ commoda multa tuæ.  
Attamen in propria retrogradus arce triumphat,  
Hunc letus semper gaudet habere locum.  
Ergo tibi placidæ promittunt tempora uitæ,  
Larga promittunt aurea dona manu.  
Sic coniuncta situ cœlestia sidera fausto,  
Significant uitæ tempora leta tuæ.  
Solue Deo grates, dubio nec credito casu,  
Sed data consilio munera tanta Dci.

Viq;



43.  
Vtq; regat uitam, facies ardentia uota,  
Aeterno Christus de genitore satius.  
Post etiam positis libemus pocula curis,  
Laetitia fons sit sed Deus ipse tuae.  
Et citharam tenero nunc pollice tange sonoram  
Effundens uarijs carmina blanda modis.  
Sic facilis fiet, nisi me praesagia fallunt,  
Pulcra puella mihi, pulcra puella tibi.  
Transseat ille dies nobis sine nubibus atris,  
Latior ut redeat de bonitate Dei.

#### AD LECTOREM.

Secundum proprietatem Latinae linguae prius a  
doctissimo uiro Ioachimo Camerario obseruatam, ca-  
uere consueuimus consonantibus aspirationem addere,  
ut in dictionibus carus, sepulcrum & similibus.  
Charis, Phlegethon, Thetis, aliaq; uoces a Graecis  
transcendentes aspirationem admittunt. Deinde otium,  
iudicium, felix, mistum, namq; iamdudum: non otium,  
uitium, scilicet, mixta, namq; iamdudum scribimus.  
Sed de istis, iudicium esto pene doctos,  
quibus cognitae sunt rationes. Indoctos  
admonuisse sat est, ne per imprudentiam nostra scripta  
immutent.

1648






Foto 1648

